

INFO DAN POSVEĆEN MASTER STUDIJIMA EKONOMSKOG FAKULTETA UNIVERZITETA „DŽEMAL BIJEDIĆ“ U MOSTARU

U utorak, 29. 10. 2019. godine u periodu od 11 do 14 sati na našem Fakultetu potencijalnim studentima će biti predstavljeni magistarski programi koje Fakultet nudi.

Pored jednogodišnjih programa iz oblasti Poslovne ekonomije koji nude specijalizaciju u oblasti Poslovnog menadžmenta, Menadžmenta finansija te Računovodstva i revizije ove akademske godine na Ekonomskom fakultetu se organizuje i dvogodišnji magistarski studij Menadžment u kulturnom turizmu.

Uvažavajući iskustva evropskih univerziteta kao i činjenicu da nema dovoljno obrazovanih kadrova iz oblasti menadžmenta u kulturnom turizmu novi magistarski studij ima za cilj ponuditi potencijalnim polaznicima usavršavanje ili stjecanje novih znanja iz domena kulturnog turizma, menadžmenta kulturne baštine, menadžmenta kulturnih institucija, upravljanja projektima i finansiranja u kulturnom turizmu, razvoja novih proizvoda te marketinga u kulturnom turizmu itd. Prilikom kreiranja programa vodilo se računa o tome da se u programu ponude predmeti sa uravnoteženim odnosom teorijskih i praktičnih znanja a koji su usklađeni sa savremenim dostignućima iz oblasti kulturnog turizma i menadžmenta.

Ovaj program je razvijen u sklopu aktivnosti Erasmus+ projekta „Jačanje kapaciteta za promjene u turizmu na Zapadnom Balkanu - izgradnja kompetencija za kvalitetno upravljanje kulturnim nasljeđem i kulturnim turizmom“ (CULTURWB) u saradnji Univerziteta „Džemal Bijedić“ u Mostaru sa ostalim partnerima na projektu (Univerzitet u Novom Sadu, tri univerziteta iz Evropske unije (Austrija, Njemačka i Holandija), Univerzitet u Nišu, Univerzitet u Banjoj Luci, Univerzitet u Istočnom Sarajevu i Univerzitet Crne Gore te „Sarajevo susret kultura“ iz Sarajeva, Pokrajinski zavod za zaštitu spomenika kulture iz Novog Sada, Turistička organizacija iz Kotora i World University Service (WUS) Austria.)